

gebin eyn halb schog und darnach iczlich halb<sup>a)</sup> jar eyn halb β, biz daz er on bezalt, und uff welchen tag er on nicht zalunge thut, alz er gekort hat, so mag er on mit geistlichem gerichte darumbe vordern. Daz hat Johannes gewillet. Actum die ubi supra.

a) am linken Rand, Einfügestelle gekennzeichnet

## 859.

1437 Oktober 19

***Familie Horleman trifft eine Regelung über das Geld, das Gertrud Horleman ihrem Mann zu treuen Händen gegeben hat.***

fol. 159r Hansz Horleman der alde, Gerdrud, syne eliche wirtin, und Johannes, ir son, sint komen yn unsern rath und haben uns gebetin, das wir unser stad briff vor sy seczczin sullen (<sup>a</sup>keyn er Soren [?]<sup>a</sup>) vor eyn gewere von sulcher schult weyn, alz er Gerdrud, synir wirtin, schuldig was, dy sy om zu getruwer (hant) ingegebin hatte. Der selbigin gewere haben sy dy stad und uns globet schadinlosz czu haldin by erbe und gutern, alz denne unser briff darubir ggebin uzwisit an argk und ane geferde. Gescheen am sonnabend noch Burghardi anno domini MCCCCXXXVII by dem burgermeister Johanes Lasan und synen kumpanen Gurteler, Stechaw, Cengker, Czochwicz, Forster, Museler, Jacoff Schuster, Summer, Albrecht Kuche und Francz Lyndener etc.

a-a) am rechten Rand, Einfügestelle gekennzeichnet

## 860.

1437 Oktober 28

***Titz Cluge erwirbt ein Haus und setzt für die schuldige Kaufsumme verschiedene Güter als Pfand.***

fol. 159v Actum die Symonis et Jude anno domini MCCCCXXXVII<sup>o</sup> hat Ticz Cluge von irkenthnisz und herschzunge eyns rath Lorencz Storchin und syme wibe vorpfand und vor sulch gelt, da Cappellin husz und erbe umbe vorkauft und ggebin ist Laurentius Storchin und syme wibe vor sechz und fünfzig β und czwenzig gr nūwes geldes, vor des selbigin geldes 35 ½ β hat er om czu pfande und gewere gesaczt eyn wyse, dy Erhard Jacofs gewest und gekauft ist vor 31 β gr, czwene gertin vor dem nydern thore gelegin, gekauft vor sechztehalb schogk und eyn agker in lehen gelegin, der Schillinges wasz, vor 20 β minus 10 gr. Ab Laurentius yn den hoff keyn insprache worde addir syne erben von Clugin wip addir iren erben, das sy sich des geldes schadinlosz an den obgeschr(iebenen) erbe, gutern und an